



Icyegeranyo cy'amakuru y'imikino yaranze icyumweru

2023

Taliki 07–09 Nyakanga



P.1 Volleyball : APR VC na Police VC zegukanye "Liberation Cup 2023"

Ijambo ry'ibazze

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'lmikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Ibirimo

P1

Volleyball: APR VC na Police VC zegukanye "Liberation Cup 2023"

P2

Handball: Ikipe y'u Rwanda yatsinzwe n'u Burundi mu mukino wa gicuti

P3

Cycling: Habaye inteko rusange ya FERWACY

Volleyball : APR VC na Police VC zegukanye "Liberation Cup 2023"

Taliki 08 na 09 Nyakanga 2023 habaye irushanwa ku nshuro ya mbere ryo kwizihiza umunsi wo Kwibohora "Liberation Cup 2023". Ikipe ya APR VC mu bagabo na Police VC mu bagore ni zo zitwaye neza zegukana igikombe.

Iri rushanwa ryateguwe n'ishyirahamwe ry'umukino wa Volleyball mu Rwanda "FRVB" ryasorejwe muri BK Arena.

Amakipe 6 mu bagabo ni yo yitabiriye aho yari agabanyije mu matsinda abiri, itsinda A ryari ririmo Gisagara VC, Police VC na IPRC Ngoma VC naho itsinda B ririmo APR VC, REG VC na KVC.

Nyuma y'imikino y'amajonjora, ikipe ya Gisagara VC na APR VC ni zo zakinnye umukino wa nyuma maze APR VC yegukana igikombe itsinze Gisagara VC amaseti 3-1 (25-21, 25-22, 23-25 na 27-25). Ikipe ya REG VC ni yo yegukanye umwanya 3.

Mu bagore hari hitabiriye amakipe 6 aho yari mu matsnda abiri, itsinda A ryari ririmo APR VC, Ruhango VC na IPRC Kigali VC naho itsinda B ririmo RRA VC, Police VC na IPRC Huye VC.

Ikipe ya Police VC yitwaye neza yegukana igikombe itsinze APR VC amaseti 3-1 (25-14, 25-18, 25-20 na 25-14).

Ikipe ya mbere mu byiciro byombi, APR VC na Police VC zahawe igikombe na miliyoni 1 y'amafaranga y'u Rwanda. Ikipe ya kabiri, Gisagara VC na APR VC zahawe ibihumbi 700 naho ikipe ya gatatu, REG VC na RRA VC zahawe ibihumbi 500.



Handball : Ikipe y'u Rwanda yatsinzwe n'u Burundi mu mukino wa gicuti

Taliki 09 Nyakanga 2023, ikipe y'u Rwanda y'abatarengeje imyaka 19 mu mukino wa Handball mu bahungu yatsindiwe i Bujumbura n'ikipe y'ighugu y'u Burundi ibitego 43 kuri 37 mu mukino wo kwishywa wa gicuti.

Uyu mukino wabaye nyuma y'imikino ibiri ya gicuti yabereye mu Rwanda taliki 01 na 02 Mata 2023 aho ikipe y'u Rwanda yitwaye neza igatsinda u Burundi ibitego 29 kuri 28 mu mukino wa mbere ndetse n'ibitego 43 kuri 37 mu mukino wa kabiri.

Aya makipe yombi akaba arimo kwitegura imikino y'igikombe cy'Isi mu batarengeje imyaka 19 "IHF Men's Youth World Championship 2023" izabera muri Croatia kuva taliki 2 kugeza 13 Kanama 2023. Bitezanyijwe ko nyuma y'uyu mukino wa gicuti, ikipe y'u Rwanda ikomeza imyitozo.

Ikipe y'u Rwanda n'u Burundi yabonye itike yo kwitabira imikino y'igikombe cy'Isi nyuma yo kwitwara neza mu mikino y'Afurika yabereye mu Rwanda muri Kanama na Nzeri 2022.

Muri iyi mikino y'igikombe cy'Isi, ikipe y'u Rwanda U-19 iri mu itsinda A hamwe na Croatia izakira irushanwa, Portugal na Algeria naho ikipe y'u Burundi U-19 iri mu itsinda H hamwe na Sweden, Faroe Islands na Iran.

Uko andi matsinda ateye

Itsinda B: Hungary, Slovenia, Morocco na New Zealand.

Itsinda C: Egypt, Iceland, Japan na Czech Republic.

Itsinda D: Spain, Republic of Korea, Brazil na Bahrain.

Itsinda E: Denmark, Austria, Chile na Mexico.

Itsinda F: Norway, Montenegro, North Macedonia na Georgia.

Itsinda G: Germany, Argentina, Saudi Arabia na USA.

Iyi mikino yaherukaga kuba muri 2019 kuko muri 2021 itabaye kubera COVID-19. Muri 2019, ikipe ya Misiri ni yo yegukanye igikombe itsinze u Budage ibitego 32 kuri 28. Andi makipe yari ahagarariye Afurika, Tunisia yasoreje ku mwanya wa 16, Nigeria isoreza ku mwanya wa 23.



Cycling: Habaye inteko rusange ya FERWACY

Taliki 9 Nyakanga 2023 mu kigo giteza imbere umukino w'amagare mu Rwanda kiri mu Karere ka Musanze "ARCC" habereye inama y'inteko rusange y'ishyirahamwe ry'umukino w'amagare mu Rwanda "FERWACY".

Muri iyi nteko rusange, Abanyamuryango bemeje imyanzuro y'inama y'inteko rusange isanzwe yabaye taliki 23 Mata 2022.

Mu byakozwe muri 2022–2023, hari amasiganwa 9 imbere mu gihugu. Ku rwego mpuzamahanga, u Rwanda rwitabiriye shampiyona y'lsi n'iya Afurika ababonetse imidali itatu irimo uwa zahabu, Commonwealth Games, Tour du Rwanda 2023 na Tour du Cameroun yatwawe na Mugisha Moise.





Website: www.olympicrwanda.org

www.olympicrwanda.org/commonwealth

Email: cnosr@olympicrwanda.org | @RwandaOlympic

Address: Remera-Hallmark Center Building KG 17 Ave